

孝義縣誌

卷目

乾隆三十五年知縣鄧必安

重脩

第一冊

同脩姓氏

例目

縣治沿革誌一卷

第二冊

城池疆域誌一卷

山川渠堰誌二卷

第三冊

里甲村庄誌二卷

田賦積貯誌一卷

第四冊

官司建置誌一卷

學校典禮誌一卷

物產民俗誌一卷

第五冊

官紳姓名誌三卷

第六冊

人物事蹟誌一卷

勝蹟祥異誌一卷

第七冊

藝文叅攷誌一卷

第八冊

藝文叅攷誌一卷

孝義縣誌城池疆域卷一

古設險守國封疆爲重今

仁一統誠無畛域而州縣所治則各有分界非區境
外使無侵越實專境內使無曠廢也今以縣繫府
定方隅所在自縣城達縣境定四封所止詳記道
里以知濶狹遠近爲城池疆域誌

縣城建府治南三十里由府治東北經交城文水至
山西省城二百四十里其創建年代今不能考

方誌載城自魏文侯建按孝義非魏地文侯當不
得建城於此又方誌藝文內有元時王元弼脩縣

解宇碑文載元魏武定元年燧燧有警大城不保
移築子城西北隅卽今城等語所謂大城今故跡
無存


明景泰初典史李進宏治間知縣張日升正德間典
史韓彪嘉靖間知縣王錦劉大觀相繼增脩隆慶元
年知縣陳情因寇警加高丈餘悉甃以磚炮臺戍樓
俱增於舊功將竣長葛知縣陳翰竟其事


按縣城政之大者乃前明何以典史微員得專其
役至撤土爲磚實始陳令其功施爲不小矣而炮
臺戍樓等不記數目則舊誌之畧

雍正四年知縣方士模修葺傾圯城濠兩傍增植柳樹數千株濬濠深廣如舊

乾隆二十八年知縣張乃曾詳請補修城垣借用藩庫銀一千九百七十兩零以知縣每年繁費銀一百五十兩解還司庫今尙按年扣解嗣又西月城墮五丈五尺女牆傾壞六處三十四年知縣鄧必安捐俸脩補

城池圖





圖說上

按方誌所載數目多不實今悉計現在確數爲說如左

城週迴四里十三步高二丈七八尺至三丈餘基厚一丈九尺至二丈餘四面建門東曰賓場南曰嚮明北曰拱極西曰秩成門皆建樓東西北築月城北月城東出東西皆南出城上砌女牆高六尺至八尺餘爲垛口七百五十二西南西北及東北隅各建角樓東南隅建魁星樓間數步建戍樓週城戍樓三十三所城下爲馳道內外各濶一丈餘城濠深尺餘至七八尺不等廣一丈尺濠上爲橋四城四面方正西門偏南東門偏北南北門當

中正對自北而南爲中城大街入北門數十步有
霍姓昇平人瑞坊坊左右爲東西沙姑巷又前爲
中陽樓樓東西俱大街西街盡城下依城面南爲
城隍廟東街有太平寺爲官員朝賀所又東三義
廟俱街北面南又東出城東門由中陽樓南行數
步爲霍姓三世尙書坊又數步有進士坊又前爲
縣巷口巷口西折出城西門大街街適中建鼓樓
三層樓南數十步復左旋爲四賢祠樓北通中陽
樓之西街城隍廟前樓西卽縣治樓東空基數畝
舊察院署故址今建營房於其北又東有趙訥進

土坊由縣巷口南行數步爲倉巷口巷口東折有
梁明翰石坊又東卽常平倉又東爲學宮面城城
上建奎星樓與學宮內文昌閣正對由倉巷口南
行數十步出城南門縣城距汾河率二十里遠近
地本爽塏獨以無溝渠宣洩每春夏淫潦城中多
淹浸或於東南最低處穿城爲水門可無積水之
患

圖說下

舊誌俱失載

城外半里許俱有郭門皆建樓俗謂之關城南附
城築土牆二層如外城狀前明嘉靖間守道于公

因寇警所築有記詳藝文中爲潤民渠所經渠上有橋橋上建樓以樓之南北分居民爲橋南北廂城西附城亦週遭築土牆起城西門稍北繞西郭門外接連城南土牆不知何時所築孝義居民西南城外尤爲櫛密乃昔之捍蔽今皆傾圯過半矣西郭門外有橫堰不知所始障水北行使不爲城害三十三年知縣鄧必安督里民重修詳藝文長庚橋記西南有護城大堤起正西繞城南而東亘七里許高厚丈餘不等創於前明萬歷間知縣孟道溥記載藝文縣西境百餘里重山複阜直趨縣

治山脊當正西水盡隨山東行淫雨多暴漲故以西橫堰障水北流以南大堤障孝河南繞趨東第孝河時時北徙近堤仍間歲役四里九村及六坊廂民濬河南歸故道縣城東不可近河西不可近山故建於山盡水滙之區必濬河以讓堤增堤以爲城垣廬舍護

疆域

孝義昔年或併介休或分隰城其疆域今盡不能考惟元至元三年廢隰州溫泉縣以其半入孝義前明及國朝無他更改則今疆域爲元至元時所定

趙誌載元廢隰州溫泉縣置巡檢司自高唐山迤南屬靈石迤北屬孝義按今高唐山南二十里始至隰州界不屬靈石又載孝義介山峙於東南卜山障於東北孝河逶迤於前義河繞匝於後二水皆東入於汾惟西山北連汾陽之向陽峽通永寧岢嵐等處逼近蕃境隆慶丁卯之役遠近震驚議者欲擬陝西例設藩鎮於岢嵐間控賊西入之路云

東西長亘一百九十里東盡城東三十里之萬戶堡西盡城西一百六十里之黃雲山南北寬廣自北

十餘里至里許不等當縣城正南正北寬三十五里
北十五里盡中辛安村南二十里盡遼壁村自城而
東南北漸窄至極東之白家堡萬戶堡諸處僅寬數
里自城而西南北漸寬南盡城西南五十里之申家
溝又西五十里至南河里北盡城西北五十餘里之
楊寨村又西五十里至顴顴嶺自楊寨至薛顴南北
皆寬七十餘里薛顴以西則北半爲寧鄉南半爲孝
義其南半北盡盤重原南盡南河里南北寬四十里
自南河里而西六十里南北漸窄至極西之鳳尾村
黃雲山諸處僅寬數里截長補短亦不下百里舊誌

僅載四十五里

孝義分境橫亘府治西南界連六縣一州 正東界
平遙至界三十里又六十里至平遙縣其東境之萬
戶堡南北止里許與平遙接壤 東北界汾陽至界
十五里至一百里不等城北三十五里至汾陽縣自
城東萬戶堡起至西北薛頡嶺止緣境一百三十里
與汾陽接壤 西北界寧鄉至界一百里至一百六
十里不等二百一十里至寧鄉縣自城西北薛頡嶺
起至正西黃雲山止緣境八十里與寧鄉接壤 正
西界石樓至界一百六十里又九十里至石樓縣其

西境之黃雲山亦止南北里許與石樓接壤 西南

界隰州至界八十里至一百六十里不等二百四十里至隰州城自縣正西黃雲山起至西南劉家沿止緣境八十里與隰州接壤 南界靈石至界二十里至八十里不等九十里至靈石縣自城西南劉家沿起至正南遼壁村止緣境七十五里與靈石接壤 東南界介休至界十數里至二十里不等三十五里至介休縣自城南遼壁村至城東萬戶堡止緣境三十五里與介休接壤

縣地偏府西南而縣城偏縣境之東城南北舖司二